

Matumuuna aalajangiiffigisassatut siunnersuut Naalackersuisunit saqqummiunneqarpoq Kalaallit Nunaanni Inatsisartut suleriaasianni § 32 naapertorlugu:

Amerlasuujusat qaartussiat pillugit nunat tamalaat isumaqatigiissutaannut Danmarkip akuersissuteqarneranut Kalaallit Nunaanni Namminersorlutik Oqartussat akuersinissaannut aamma Danmarkip akuersissuteqarnerminut atortorisaanik Naalagaaffiit Peqatigiit Generalsekretæriannut tunniunneqartussanik suliaqarnissamut akuersaarnissannut Inatsisartut aalajangiiffigisassaattut siunnersuut.
(Naalackersuisut Siulittaasuat)

Tunngavilersuut

Kalaallit Nunaat qinnuigineqarsimavoq sakkut amerlasuujusat qaartussiat pillugit (Oslo-mi isumaqatigiissut) nunat tamalaat isumaqatigiissutaannut Danmarkip akuersissuteqarsimanerata akuersissutiginnissaa kiisalu Danmarkip akuersissuteqarminut atortorisaanik suliarinninnermut tapersiinnissaa, taanna Naalagaaffiit Peqatigiit Generalsekretæriannut tunniunneqartussanngorlugu suliarineqarsimasoq.

Oslo-mi isumaqatigiissut tassaavoq nunat tamalaat akornanni pittuisumik isumaqatigiissut amerlasuujusat qaartussiat atorneqarnissaannut, ineriartortinneqarnissaannut, suliarineqarnissaannut allatulluunniit pissarsiarinnissaannut, toqqorsivimmiittuutiginissaannut, paarinnissaannut imaluunniit allanut tunniunneqarnissannut tamakkiisumik inerteqquteqartoq.

Amerlasuujusat qaartussiat nalinginnaasumik imassaapput, imassat iluini imassanik siammarlutik kaanngartitsillutilluunniit qaartussiartaatut suliarineqarsimasut, ataatsit 20 kiilut inorlugit oqinnerusunngorlugit. Imassat iluini imassanik qaartussiat nalinginnaasumik qaartussiannngorlugit imassaapput, siammartinneqartartut imaluunniit kaanngartinneqartartut amerlasuujusat qaartussiartaanit, aammalu ima aaqqissuunneqarsimallutik qaartussiannngorlugit tunnginnerminni, tunninnerminni imaluunniit toreernerminni qaartartortalerlugit qaarsinnaasunngorlugit.

Amerlasuujusat qaartussiat inunnet akuersaarneqarsinnaanngitsunik kingunipiloqartarneri pissutigalugit tatiginartuunngillat nakertusarutillu. Amerlasuujusat qaartussiat qaanngitsoornikut, inuinnarnik amerlasuujusat qaartussiat atorneqareernerisa kingorna ikilersuisarput toqutsisarlutillu. Aamma sumiiffinni sorsuffiunikuusimasuni amerlasuujusanit qaartussianit qimaannakkat pissutaallutik aningaasaqarniarnikkut inuuniarnikkullu ineriartortitsinissat ajornakusoortinneqartarlutik.

Naalackersuisut inassutigaat, Inatsisartunit Danmarkip Oslo-mi isumaqatigiissummik akuersissuteqarsimanagera akuersaarneqassasoq aammalu akuerineqassasoq Danmarkip akuersissuteqarnermini atortussanik sularinninnera tunniussassanngorlugulu suliaqarsimanagera.

Taamatut oqaaseqarlunga siunnersuut Inatsisartunit akuersaartumik suliassanngortippara atortussanullu agguanneqarsimasunut innersuussillunga.